

Akashvani, Sambalpur

SAMBALPURI NEWS EVENING BULLETIN

26 February 2026-7.02- 7.12 pm.

୧- ଓଡ଼ିଶା ସହେତ ୧୦ ଟା ରାଜ୍ୟ ନ ରାଜ୍ୟସଭା ନିର୍ବାଚନ ଲାଗି ବାହାରିଲା ବିଜୟି ।

-ଆଏଇଠାନ୍ତୁ ମୁଲ୍ ହେଲା ନାମାଙ୍କନ, ଆଏବା ୧୭ ତାରିଖ ହେବା ଭୋର୍ ।

୨- ନୂଆଦିଲ୍ଲୀ ନ ଓଡ଼ିଶା ଭବନର ଶିଳାନିଧି କଲେ ମୁଖ୍ୟମନ୍ତ୍ରୀ ।

୩- ସମ୍ବଲପୁର ଗସ୍ତ ପୁଞ୍ଜିଲେ ମହାନଦୀ ଜଳବିବାଦ ପ୍ରାଧିକରଣର ୧୦ ଝନିଆ ଦଲ୍ ।

ଆଉର୍

୪- ଟି-୨୦ ବିଶ୍ୱକପ୍ ପୁରୁଷ କ୍ରିକେଟ୍ ଭାରତ୍ ଆଉ ଜିୟାଓଡ଼େ ଭିତ୍ରେ ଚେନ୍ନାଇ ନ ମୁଲ୍ ହେଲା ମେର୍ ।

-ଟସ୍ ଜିତିକରି ବୋଲିଂ ନିଷ୍ପତି ନେଲା ଜିୟାଓଡ଼େ ଦଲ୍ ।

ରାଜ୍ୟସଭା ନିର୍ବାଚନ ବିଜ୍ଞପ୍ତି

ଭୁବନେଶ୍ୱର ସମାଦଦାତା

ଓଡ଼ିଶା ସହେତ ୧୦ ଟା ରାଜ୍ୟର ୩୭ ଟା ରାଜ୍ୟସଭା ଆସନ୍ଥୁ ନିର୍ବାଚନ ଲାଗି ଆଏଜ ବିଧିବଦ୍ଧ ଭାବେ ବିଜ୍ଞପ୍ତି ବାହାରିଛେ । ବିଜ୍ଞପ୍ତି ଅନ୍ୟାରେ ଆଏଜଠାନ୍ତୁ ମାର୍ଚ୍ଚ ମାସର ୫ ତାରିଖ୍ ନାମାଙ୍କନ ପତ୍ର ଦାଖଲ୍ କରାଯିବା । ୬ ତାରିଖ୍ ଯାତ୍ ଆଉ ୯ ତାରିଖ୍ ନାମାଙ୍କନ ପତ୍ର ପ୍ରତ୍ୟାହାର୍ ର ଶେଷ୍ ଦିନ ରହିଛେ । ମାର୍ଚ୍ଚ ୧୨ ତାରିଖ୍ ସଖାଲର ୯ ବଜେନ୍ତୁ ଉପରବେଲା ୪ ବଜେତକ୍ ମତଦାନ୍ ହେବା । ୫ ବଜେ ଭୋଟ୍ ଗନ୍ତି ହେବା ବଲି ଓଡ଼ିଶା ବିଧାନସଭାର ସଚିବ ସତ୍ୟବ୍ରତ ରାଉତ୍ କହିଛନ୍...

(ଭଏସ୍-ସତ୍ୟବ୍ରତ ରାଉତ)

ସୁରନା ଅନ୍ୟାରେ ଓଡ଼ିଶାର ୪ ଝନ୍ ରାଜ୍ୟସଭା ସଦସ୍ୟ ମମତା ମହାନ୍ତ, ମୁନା ଖାନ, ସୁଜିତ୍ କୁମାର୍ ଆଉ ନିରଞ୍ଜନ ବିଶିଙ୍କର କାର୍ଯ୍ୟକାଳ ଏପ୍ରିଲ୍ ମାସର ୨ ତାରିଖ୍ ଦିନ ଶେଷ୍ ହେଉଛେ ।

ଓଡ଼ିଶା ଭବନ ଶିଳାନାମାସ

ଭୁବନେଶ୍ୱର ସମାଦଦାତା

ମୁଖ୍ୟମନ୍ତ୍ରୀ ମୋହନ ଚରଣ ମାଝୀ ଆସିବୁ ନୂଆଦିଲ୍ଲୀ ନ ଓଡ଼ିଶା ଭବନର ଶିଳାନାମାସ କରିଛନ୍ । ଦିଲ୍ଲୀ ଚାଣକ୍ୟପୁରୀ, କୌଟିଲ୍ୟ ମାର୍ଗ ନ ଇ ୭ ମହଲା କୁଠା ତିଆର କରାଯିବା । କୁଠା ନ ୪୫ଟା କକ୍ଷ ସହେତେ ଗୁଟେ ଆଧୁନିକ ସମ୍ମିଳନୀ ଭବନ ଭିଲ୍ ରହେବା । ଇ ଭବନ ଓଡ଼ିଶାର ସାଂସ୍କୃତିକ ଆଉ ପ୍ରଶାସନିକ କେନ୍ଦ୍ର ଭାବେ କାମ୍ କରବା । ଅଯୋଧ୍ୟା, ବେଙ୍ଗାଲୁରୁ ଆଉ ସୁରତ୍ ନ ଭିଲ୍ ଖୋବ୍ ଜଲ୍ଦି ଓଡ଼ିଶା ଭବନ ନିର୍ମାଣ କରାଯିବା । ମୁମ୍ବାଇ ନ ଆଉଗୁଟେ ଓଡ଼ିଶା ଭବନ ତିଆର କରାଯିବା ବଲି ଇ ଅବ୍ସରେ ମୁଖ୍ୟମନ୍ତ୍ରୀ ଶ୍ରୀ ମାଝୀ କହିଛନ୍ । ଇନ ଜନେଇ ଦିଆଯାଇପାରେ ଯେ, ଇଛେନ୍କା କୋଲ୍କାତା, ଚେନ୍ନାଇ ଆଉ ମୁମ୍ବାଇ ନ ଗୁଟେ ଲେଖା ଓଡ଼ିଶା ଭବନ ରାଜ୍ୟବାସୀକୁ ସେବା ଯୁଗେଇ ଆସୁଛେ ।

ଜନଆଶ୍ରୟ ଭବନ

ହି.ସ.

ଭୁବନେଶ୍ୱର ମାଷ୍ଟର କୋଟିନ୍ ନ ଜନ ଆଶ୍ରୟ ଭବନ୍ ତିଆର
କରାଯିବା ବଳି ମୁଖ୍ୟମନ୍ତ୍ରୀ ମୋହନ ଚରଣ ମାଝୀ କହିଛନ୍ ।
ମୁଖ୍ୟମନ୍ତ୍ରୀ କହିଛନ୍, ଖୋବ୍ ଜଲ୍ଦି ୫ ଏକଡ଼ ଜାଗାଥ୍ ଇ
ଭବନ୍ ନ ନିର୍ମାଣ କାମ୍ ମୁଲ୍ ହେବା । ୩୦ଟା ଜିଲ୍ଲାନ୍ ଭିନ୍
ଭିନ୍ ସରକାରୀ କାମ୍ ଲାଗି ଭୁବନେଶ୍ୱର ଆସୁଥ୍ବା ଲୁକେ
କମ୍ ପଏସାଥ୍ ଇ ଭବନ୍ ରହିପାର୍ବେ । ସେମାନଙ୍କର
ସୁବିଧା ଲାଗି ଭବନ୍ ନ ବସଷ୍ଟପ୍, ଫୁଡ୍ କୋର୍ଟ୍ ଆଉ ଭିନ୍ ଭିନ୍
ଶୋ'ରୁମ୍ ବ୍ୟବସ୍ଥା ଭିଲ୍ କରାଯିବା ବଳି ମୁଖ୍ୟମନ୍ତ୍ରୀ
କହିଛନ୍ ।

ଜଲ୍ ଯୋଗାଣ ବୋର୍ଡ଼ ବୈଠକ୍ ଆଇ.ଆର୍.ପି.ଆର୍

ଓଡ଼ିଶା ଜଲ୍ ଯୋଗାଣ ଆଉ ପରିମଳ ବୋର୍ଡ଼ର ୨୮ ନମ୍ବର ବୋର୍ଡ଼
ବୈଠକ୍ ନଗର ଉନ୍ନୟନ ମନ୍ତ୍ରୀ ଆଉ ବୋର୍ଡ଼ର ଅଧ୍ୟକ୍ଷ ଡକ୍ଟର
କୃଷ୍ଣଚନ୍ଦ୍ର ମହାପାତ୍ରଙ୍କର ଅଧ୍ୟକ୍ଷତାଥ୍ ଭୁବନେଶ୍ୱର ଉନ୍ନତି
ଭବନ୍ ପରିସର୍ ନ ଆଏଜ୍ ହେଇଯାଇଛେ । ବୈଠକ୍ଥ୍ ବହୁତ୍

ଦିନୁ ଅଟ୍ଟକି ରହିଥିବା ଭିନ୍ ଭିନ୍ ଗୁରୁତ୍ୱପୂର୍ଣ୍ଣ ସେବା, ଆର୍ଥିକ ଆଉ ପ୍ରଶାସନିକ ସଂସ୍କାର ବାବ୍ଦେ ଆଲୋଚନା କରାଯାଇଛି । ଖାସକରି ବୋର୍ଡର କ୍ୟାଡର୍ ଅଧିନ୍ଥି କାର୍ଯ୍ୟରତ ଇଞ୍ଜିନିୟରମାନଙ୍କୁ ପି.ଏଚ୍.ଇ. କେଡର୍ ବାଗିର ପଦୋନ୍ନତି ସୁବିଧା ଦେବାର ପ୍ରସ୍ତାବକେ ଅନୁମୋଦନ କରାଯାଇଛି । ସହକାରୀ କାର୍ଯ୍ୟନିର୍ବାହୀ ଇଞ୍ଜିନିୟରମାନଙ୍କୁ ଅତିରିକ୍ତ ପ୍ରକଳ୍ପ ଇଞ୍ଜିନିୟର, କ୍ଷେତ୍ର ସ୍ତର ନ କାମ୍ କରୁଥିବା ଦିନ ମଜୁରିଆମାନଙ୍କୁ ଦିନକୁ ୨ ଶହ ଟଙ୍କାର ସ୍ୱତନ୍ତ୍ର ପ୍ରୋସାହନ ରାଶି, ୬୦ ବକ୍ସର ବଏସେ ଅବସର ନଡୁଥିବା ମଜୁରିଆଙ୍କୁ ଗ୍ରାଟୁଇଟି ସୁବିଧା ଦେବାର ପ୍ରସ୍ତାବକେ ଭିଲ୍ ଅନୁମୋଦନ କରାଯାଇଛି ।

ପୁରୀ ଶ୍ରୀମନ୍ଦିର-ଫଗୁ ଦର୍ଶନୀ

ପୁରୀ ସମ୍ବାଦଦାତା

ଫଗୁନ୍ ମାସର ଉଜଲ୍ ପଖର ଦର୍ଶନୀ ତିଥି ଅବ୍ଦରେ ପୁରୀ ଶ୍ରୀମନ୍ଦିର ନ ଆଏଜ୍ ମାହାପୁରୁମାନଙ୍କର ଖାସ୍ ନୀତିକାନ୍ତି କରାଯାଉଛି । ଫଗୁ ଦର୍ଶନୀ ସହେତେ ଆଏଜ୍ଠାନୁ ହସ୍ତେତକ୍

ଶ୍ରୀମନ୍ଦିର ନ ଦୋଳ ଉତ୍ସବ ଭିଲ୍ ମୁଲ୍ ହେଇଛେ । ମଧ୍ୟାହ୍ନ
ଧୂପନୀତି ଶେଷ୍ ହେବାର୍ ଉତ୍ତୁ ମାହାପୁରମାନଙ୍କର
ଆଜ୍ଞାମାଳ ପାଇକରି ତାଙ୍କର ଚଲ୍ତି ପ୍ରତିମା ଦୋଳଗୋବିନ୍ଦ,
ଭୂଦେବୀ, ଶ୍ରୀଦେବୀ ବିମାନଥ୍ ବସିକରି ଶ୍ରୀଜଗନ୍ନାଥ ବଲ୍ଲଭ
ମଠକେ ବିଜେ କରିଛନ୍ । ଆଉ କିଛି ସମିଆ ଉତ୍ତୁ ସେନ
ଅବିର ଆଉ ଫଗୁ ଲାଗି ହେବା । ଆଏବା ସୋମବାର ଦିନ
ମେଣ୍ଟାପୋଡ଼ି ଉତ୍ତୁ ଆଉ ମଙ୍ଗଳବାର ଦିନ ଦୋଳ ପୂର୍ଣ୍ଣିମା
ଅବ୍ସରେ ମାହାପୁରୁଙ୍କର ସୁନାବେଶ ହେବା । ଦୋଳ ପୂର୍ଣ୍ଣିମା
ଦିନ ଚନ୍ଦ୍ରଗ୍ରହଣ ହଉଥୁବାର୍ନୁ ନୀତିକାନ୍ତି ତୁର୍ତି ସାର୍ବାର୍
ଲାଗି ଛତିଶା ନିଯୋଗ ବୈଠକ୍ଥୁ ଧାରିଜ୍ କରାଯାଇଛେ ।

ଶ୍ରୀମନ୍ଦିର ପରିଚାଳନା କମିଟି ବୈଠକ୍ ପୁରୀ ସମ୍ବାଦଦାତା

ପୁରୀ ଶ୍ରୀମନ୍ଦିର ପରିଚାଳନା କମିଟିର୍ ଗୁଟେ ଗୁରୁତ୍ପୂର୍ଣ୍ଣ ବୈଠକ୍
ଆଏବା ୨ ତାରିଖ୍ଦିନ ବସ୍ବା । ଗଜପତି ମହାରାଜ
ଦିବ୍ୟସିଂହ ଦେବଙ୍କର ଅଧକ୍ଷତାଥ୍ ହେବାର୍କେ ଥୁବା
ବୈଠକ୍ଥୁ ରତ୍ନଭଣ୍ଡାର ଅଳଙ୍କାର ଗନ୍ତି ମନ୍ତି କାମ୍ ମୁଲ୍

ବରବାର ଲାଗି ଦିନ ଧାରିଜ୍ କରାଯିବା । ବୈଠକ୍ ଶ୍ରୀଗୁଣ୍ଡିଚା ମନ୍ଦିର ଖୁଲ୍ବାର ବାବ୍ଦେ ଭିଲ୍ ନିଷ୍ପତି ନିଆଯିବା । ଇତାର୍ ସହେତେ ସେବାୟତମାନକର ଛୁଆକର ଲାଗି ଆଦର୍ଶ ଗୁରୁକୁଳ ଥାପ୍ନା, ମାହାପୁରୁଙ୍କର ରତ୍ନ ପଲଙ୍କ ସେର୍ ବେଭାର, ଶ୍ରୀମନ୍ଦିରକେ ମୋବାଇଲ୍ ଫୋନ୍ କଟକଣା ବାଗିର୍ ବହୁତ୍ଟେ ବିଷେ ଉପ୍ରେ ଆଲୋଚନା କରାଯିବା ବଲି ଆମର୍ ସମ୍ପାଦଦାତା ସୂର୍ନା ଦେଇଛନ୍ ।

ମହାନଦୀ ତ୍ରିବୁଧନାଲ୍ ଆର୍ଏନ୍ୟୁ/ ସମ୍ବଲପୁର

ମହାନଦୀ ଜଲ୍ବିବାଦ୍ ପ୍ରାଧିକରଣର ଗୁଟେ ଉଚ୍ଚସ୍ତରୀୟ ଦଲ୍ ଆଏଜ୍ ଦୁଇଦିନିଆ ସମ୍ବଲପୁର ଗସ୍ତ୍ ଆସିଛନ୍ । ପ୍ରାଧିକରଣର ନୂଆ ଅଧକ୍ଷ ଜଷ୍ଟିସ୍ ବେଲା ଏମ୍. ତ୍ରିବେଦୀଙ୍କ ନେତୃତ୍ୱ୍ ଆସିଥିବା ଇ ୧୦ ଝନିଆ ଦଲ୍ ଉପରବେଲା ଝାରସୁଗୁଡ଼ା ବିମାନବନ୍ଦର ନ ପୁହୁଁଚିବାର୍ ଉତ୍ତରୁ ପ୍ରଶାସନ ତରଫୁ ତାଙ୍କୁ ସାଗତ୍ କରାଯାଇଥିଲା । ଗସ୍ତ ଅବ୍ସରେ ପ୍ରାଧିକରଣର ଖଣ୍ଡପୀଠ ହୀରାକୁଦ ତେମ୍ବର ସିଲ୍ଡେ, କମାଣ୍ଡ

ଏରିଆ, ବୁର୍ଲା ପାଢ଼ାର ହାଉସ୍, ଚିପିଲିମା ପାଢ଼ାର ହାଉସ୍
ବୁଲି ଦେଖିବାର କାର୍ଯ୍ୟସୂଚୀ ରହିଛି ।

ପି.ଜି. ପ୍ରବେଶିକା ପରୀକ୍ଷା ଆରବନ୍ଧୁ/ ସମ୍ବଲପୁର

ଚଳି ଶିକ୍ଷାବହିରେ ସ୍ନାତକୋତର ପାଠ୍ୟକ୍ରମ ଥିବା ନିମ୍ନଲିଖିତ
ଲାଗି ହେଉଥିବା ଏକକ ପିଜି ପ୍ରବେଶିକା ପରୀକ୍ଷା-ସି.ପି.ଇ.ଟି.
ଲାଗି ଆବଦାନୀଙ୍କୁ ନୁ ଫର୍ମ ପୂରଣ ପ୍ରକ୍ରିୟା ମୁଲ୍ ହେବା ।
ଆଗ୍ରହୀ ଛାତ୍ରଛାତ୍ରୀମାନେ ସାମ୍ବସ ପୋର୍ଟାଲ୍ ଜରିଏ ଆବଦାନୀ
ମାସର ୨୭ ତାରିଖତକ ଫର୍ମ ପୂରଣ କରିପାରବେ । ଏପ୍ରିଲ
୨୭ନୁ ମେ ମାସର ୧୦ ତାରିଖତକ ଭିନ୍ ଭିନ୍ ସ୍ନାତକୋତର
ବିଷୟ ଲାଗି ସି.ପି.ଇ.ଟି. ପ୍ରବେଶିକା ପରୀକ୍ଷା ହେବା ।
ପରୀକ୍ଷା ଫଲ୍ ଆଧାର୍ଥ୍ ଛାତ୍ରଛାତ୍ରୀମାନେ ସ୍ନାତକୋତର
ପାଠ୍ୟକ୍ରମ ବାଛିପାରବେ । ଜୁଲାଇ ୧୦ ତାରିଖତକ ସବୁ
ବିଶ୍ୱବିଦ୍ୟାଳୟ ଆଉ ମହାବିଦ୍ୟାଳୟମାନଙ୍କେ ସ୍ନାତକୋତର
ପାଠ୍ୟକ୍ରମ ମୁଲ୍ କରବାର ଲକ୍ଷ୍ୟ ରଖାଯାଇଛି ବଳି ଉଚ୍ଚ
ଶିକ୍ଷା ବିଭାଗ୍ ତରଫୁ କୁହାଯାଇଛି ।

ଉତ୍ସବ ଚରଣ ଦାସ ପରଲୋକ ଆଇ.ଆର୍.ପି.ଆର୍

କିମ୍ବଦନ୍ତୀ ଘୋଡ଼ାନାଚ କଳାକାର ପଦ୍ମଶ୍ରୀ ଡକ୍ଟର ଉତ୍ସବ ଚରଣ ଦାସଙ୍କର ୮୦ ବର୍ଷର ବ୍ୟସେ ଆଏଇ ପରଲୋକ ହୋଇଯାଇଛେ । କଟକ ଜିଲ୍ଲା ଟାଙ୍ଗୀ-ଚୌଦ୍ୱାର ମଣିଆ ଗାଁ ନ ଜନମ୍ ନେଇଥିବା ସ୍ୱର୍ଗତ ଦାସ ଘୋଡ଼ାନାଚକେ ସାରା ଦେଶେ ଗୁଡ଼େ ନୂଆ ପରିଚୟ ଆଣି ଦେଇଥିଲେ । ୧୯୬୫ ମସିହା ବେଳକେ ସେ ଆକାଶବାଣୀ କଟକ ନ ସ୍ୱୀକୃତିପ୍ରାପ୍ତ କଳାକାର ଭାବେ କାମ୍ ମୁଲ୍ କରିଥିଲେ । ତାଙ୍କର ପରଲୋକଥୁ ରାଜ୍ୟପାଳ ଡକ୍ଟର ହରିବାରୁ କମ୍ପ୍ୟୁଟି ଶୋକପ୍ରକାଶ କରି କରି ଚଇତି ଘୋଡ଼ାନାଚକେ ପୁରୁଥିନ ପରିଚିତ୍ କରୁବାରୁ ତାଙ୍କର ଅବଦାନ ସ୍ମରତା ହେଇ ରହେବା ବଳି କହିଛନ୍ । ମୁଖ୍ୟମନ୍ତ୍ରୀ ମୋହନ ଚରଣ ମାଝୀ ଓଡ଼ିଶାର ପାରମ୍ପରିକ ଲୋକକଳାକେ ସମୃଦ୍ଧ କରୁବାଥୁ ଉତ୍ସବ ଚରଣଙ୍କର ଅବଦାନ କେନ୍ଦ୍ରିକେତେ ବଳି କହିଛନ୍ ।

ପଂଚାୟତିରାଜ୍ ମନ୍ତ୍ରୀ ବଜେଟ୍ ସୂଚନା ସୁବର୍ଣ୍ଣପୁର ସମ୍ବାଦାଦାତ

ଫାଟାୟତିରାଜ୍ ଆଉ ପାନୀୟ ଜଳ ବିଭାଗ୍ ମନ୍ତ୍ରୀ ରବିନାରାୟଣ ନାଏକ ଆଏକ୍ ସୁବର୍ଣ୍ଣପୁରଠାନ୍ତେ ରାଜ୍ୟ ସରକାରଙ୍କର ୨୦୨୫-୨୬ ଆର୍ଥିକ୍ ବଜେଟ୍ କେ ନେଇକରି ଗଣମାଧ୍ୟମ ସାମ୍ନା ନ ଭିନ୍ ଭିନ୍ ତଥ୍ୟ ରଖିଛନ୍ । ମନ୍ତ୍ରୀ ଶ୍ରୀ ନାଏକ କହିଛନ୍, ଇ ବଜେଟ୍ ଗରିବ, ଚାଷୀ, ମହିଳା ଆଉ ଯୁଆନ୍ ପିଢ଼ିର ବିକାଶ୍ କେ ନଜର୍ଥୁ ରଖିକରି ବନାହେଇଛେ । ଇଥ୍ ଗ୍ରାମୀଣ ବିକାଶ, ପାନୀୟ ଜଳ ପ୍ରକଳ୍ପ, ସ୍ୱୟଂ ସହାୟକ ଗୋଷ୍ଠୀଙ୍କର ସଶକ୍ତୀକରଣକେ ଜୋର୍ ଦିଆଯାଇଛେ । ଓଡ଼ିଶାର୍ ଗ୍ରାମାଂଚଳ୍ର ବିକାଶ ଦିଗେ ବହୁତ୍ ସାହାଜ୍ କର୍ବା ବଳି ମନ୍ତ୍ରୀ ଶ୍ରୀ ନାଏକ କହିଛନ୍ ।

ଜନଗଣନା ତାଲିମ ବୌଦ୍ଧ ସମ୍ବାଦଦାତା

ବୌଦ୍ଧ ଜିଲ୍ଲାପାଳଙ୍କର କାର୍ଯ୍ୟାଳୟ ନ ଦୁଇଦିନିଆ ଜନଗଣନା ତାଲିମ୍ ଶିବିର ହେଇଯାଇଛେ । ଶିବିର୍ଥୁ ଘର୍ ତାଲିକା ଆଉ ଘର୍ ଗନ୍ତି ଠିକ୍ ଭାବେ କର୍ବାର୍ ସହେତେ ସବୁ ତଥ୍ୟ

କେନ୍ଦ୍ରାକରି ସି.ଏମ୍.ଏମ୍.ଏସ୍. ପୋର୍ଟାଲ୍ ଅପ୍ଲୋଡ୍
କରାଯିବା ସେ ବାବ୍ଦେ ଇଥି ସାମିଲ୍ ଅଧିକାରୀ ଆଉ
କର୍ମଚାରୀମାନଙ୍କୁ ତାଲିମ ଦିଆଯାଇଥିଲା ।

ଡାକ୍ତରଖାନା କୁଠା ସମୀକ୍ଷା

ବୌଦ୍ଧ ସମ୍ବାଦଦାତା

ବୌଦ୍ଧ ଜିଲ୍ଲା ମୁଖ୍ୟ ଚିକିତ୍ସାଳୟ ପରିସର ନ ଜିଲ୍ଲାପାଳ ବିଭୂତି
ଭୂଷଣ ନାୟକ ନୂଆକରି ତିଆର୍ ହେଇଥିବା ୩ ଶହ ଶଯ୍ୟାର
ମୁଖ୍ୟ ଚିକିତ୍ସାଳୟ କୁଠାର ଥିତି ସମୀକ୍ଷା କରିଛନ୍ । ଇ
ଅବସରେ ଜିଲ୍ଲାପାଳଙ୍କର ଅଧକ୍ଷତାଥ ରୋଗୀ କଲ୍ୟାଣ
ସମିତି କାର୍ଯ୍ୟନିର୍ବାହୀ ସଭା ହେଇଯାଇଛେ । ଡାକ୍ତରଖାନା
ପରିସର ନ ଜବରଦଖଲ ଉଛେଦ, ଡ୍ରେନେଜ୍ ବ୍ୟବସ୍ଥାର
ମରାମତି କାମ୍ ଜଲ୍ଦି ଶେଷ୍ କରବାର୍କେ ଇ ଅବସରେ
ବିଭାଗୀୟ ଅଧିକାରୀମାନଙ୍କୁ ଜିଲ୍ଲାପାଳ ନିର୍ଦ୍ଦେଶ ଦେଇଛନ୍ ।

ଜିଲ୍ଲାପାଳ ସମୀକ୍ଷା

ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲାପାଳ ମଧୁସୂଦନ ଦାସଙ୍କର ଅଧ୍ୟକ୍ଷତାଧି ଆଏଜ୍
ଜିଲ୍ଲା ପରିଷଦ କାର୍ଯ୍ୟାବଳୀ ସମୀକ୍ଷା ବୈଠକ୍ ହେଇଯାଇଛି ।
ବୈଠକ୍‌ରେ ଗ୍ରାମୀଣ ଆବାସ ଯୋଜନା, ଅନ୍ତ୍ୟେଷ୍ଟ ଗୃହ
ଯୋଜନାର ଅଗ୍ରଗତି ବାବ୍ଦେ ସମୀକ୍ଷା କରାଯାଇଥିଲା ।
ମୁଖ୍ୟମନ୍ତ୍ରୀଙ୍କର ଡିମାଣ୍ଡ୍ ଯୋଗୁଁ ସବୁ ପ୍ରକଳ୍ପ କାର୍ଯ୍ୟ ଜଳ୍ଦି
ଶେଷ୍ଟ କରବାର ଲାଗି ଇ ଅବସରେ ଜିଲ୍ଲାପାଳ
ଅଧିକାରୀମାନଙ୍କୁ ନିର୍ଦ୍ଦେଶ ଦେଇଛନ୍ ।

ପ୍ରାଣୀ ସମ୍ପଦ ମେଳା

ଝାରସୁଗୁଡ଼ା ସମ୍ପାଦଦାତା

ଝାରସୁଗୁଡ଼ା ଜିଲ୍ଲା ପ୍ରଶାସନ ଆଉ ପ୍ରାଣୀ ସମ୍ପଦ ବିଭାଗ୍ ଡିମାଣ୍ଡ୍
ଜିଲ୍ଲାସ୍ତରୀୟ ମତ୍ସ୍ୟ ଆଉ ପ୍ରାଣୀ ସମ୍ପଦ ମେଳା
ହେଇଯାଇଛି । ରାଜସ୍ୱ ମନ୍ତ୍ରୀ ସୁରେଶ୍ ପୂଜାରୀ
କାର୍ଯ୍ୟକ୍ରମକେ ଉଦ୍ଘାଟନ୍ କରି କରି ଜିଲ୍ଲାକେ ପ୍ରାଣୀପାଳନ୍
ଆଉ ମାଛଚାଲ୍ ଲାଗି ଯୁଗେଇ ଦିଆଯାଉଥିବା ସରକାରୀ
ସୁବିଧା ସୁଯୋଗ୍ ବାବ୍ଦେ ବୁଝେଇଥିଲେ । ଇଡାର୍ ଲାଭ୍

ନେବାର୍ଜକେ ମନ୍ତ୍ରୀ ଶ୍ରୀ ପୂଜାରୀ ଚାଷୀମାନଙ୍କୁ ଆହ୍ୱାନ
ଦେଇଛନ୍ । ଇ ଅବସରେ ସଫଳ ପ୍ରାଣୀପାଳକ୍ ଆଉ ମହ୍ୟ
ଚାଷୀମାନଙ୍କୁ ସମର୍ଥ୍ତ କରାଯାଇଥିଲା ।

ନିୟୁକ୍ତି ମେଲା ଝାରସୁଗୁଡ଼ା ସମାଦଦାତା

ଝାରସୁଗୁଡ଼ା ଜିଲ୍ଲା ପ୍ରଶାସନ ଆଉ ଜିଲ୍ଲା ଦକ୍ଷତା ବିକାଶ
ନିୟୋଜନ କାର୍ଯ୍ୟାଳୟ ତରଫୁ ଆଏଜ୍ ଜିଲ୍ଲାସ୍ତରୀୟ ନିୟୁକ୍ତି
ମେଲାର୍ ଆୟୋଜନ କରାଯାଇଥିଲା । କାର୍ଯ୍ୟକ୍ରମ୍ଥୁ ରାଜସ୍ୱ
ମନ୍ତ୍ରୀ ସୁରେଶ ପୂଜାରୀ ଯୋଗ୍ ଦେଇକରି ଜିଲ୍ଲାର ଶିକ୍ଷିତ୍
ଯୁଥାନ ପିଲାଗୁକେଲ୍ଙ୍କୁ ସ୍ୱାବଲୟୀ କର୍ବା ଆଉ ନିଜର୍ ଜିଲ୍ଲା
ନ ନିୟୁକ୍ତି ଦେବାର୍ ଲାଗି ଇ ମେଲାର୍ ଆୟୋଜନ
କରାଯାଇଛେ ବଳି କହିଛନ୍ ।

ଟି-୨୦ ବିଶ୍ୱକପ୍ ଆରବନ୍ୟୁ/ ସମ୍ବଲପୁର

ଆଇସିସି ଟି-୨୦ ବିଶ୍ୱକପ ପୁରୁଷ କ୍ରିକେଟ୍ ଡାର୍ଡ୍ ଆଉ ଜିୟାଓଡ଼େ ଭିତ୍ରେ ଚେନ୍ନାଇର ଟିପକ୍ ଷ୍ଟାଡ଼ିୟମ୍ ନ ସଞ୍ଜାବେଲର ୭ ବଜେନ୍ନୁ ଖେଲ୍ ମୁଲ୍ ହେଇଛେ । ଜିୟାଓଡ଼େ ଦଲ୍ ଟସ୍ ଜିତିକରି ପହେଲା ବୋଲି ନିଶ୍ଚିତ ନେଇଛେ । ଡାର୍ଡ୍ ଡରଫୁ ସଂଜୁ ସାମ୍ପସନ୍ ଆଉ ଅଭିଶେକ୍ ଶର୍ମା ବେଟିଂ କରୁଛନ୍ ।

ସୁର୍ନା ଅନ୍ସାରେ, ଦୁହି ଦଲ୍ ସୁପର୍-୮ ରାଉଣ୍ଡ୍ ଗୁଟେ ଲେଖା ମେର୍ ହାରିଛନ୍ । ହେଥୁର୍ ଲାଗି ଦୁହି ଦଲ୍ ଲାଗି ଆଝିରର୍ ମେର୍ ବହୁଡ୍ ଗୁରୁଡ଼ପୁର୍ଣ୍ଣ ଆଏ ।

ଜିଲ୍ଲାସ୍ତରୀୟ ସଡ଼କ ସୁରକ୍ଷା ବୈଠକ୍ ଦେବଗଡ଼ ସମ୍ବାଦଦାତା

ଦେବଗଡ଼ ଜିଲ୍ଲାପାଳଙ୍କର କାର୍ଯ୍ୟାଳୟ ପରିସର ନ ଜିଲ୍ଲାସ୍ତରୀୟ ସଡ଼କ ସୁରକ୍ଷା କମିଟି ବୈଠକ୍ ହେଇଯାଇଛେ । ଜିଲ୍ଲାପାଳ କବୀନ୍ଦ୍ର କୁମାର ସାହୁଙ୍କର ଅଧକ୍ଷତାଥ୍ ହେଇଥୁବା ବୈଠକ୍ଥ୍ ମଦ୍ ବିକ୍ରି ହଜୁଥୁବା ଡାବାମାନଙ୍କର ଯାଂର୍, ଜାତୀୟ ରାଜପଥ ଡରାଥ୍ ଜବରଦଖଲ୍ କରିଥୁବା ଦୁକାନମାନକୁ ଚିହ୍ନଟ୍ କରି

କରି ଉଚ୍ଛେଦ, ଟ୍ରାଫିକ୍ ନିୟନ୍ତ୍ରଣ ବାଗିର୍ ଭିନ୍ ଭିନ୍ ବିଷେଥି
ଆଲୋଚନା କରାଯାଇଥିଲା ।

ପାଣିପାଗ ଆରବନ୍ୟୁ/ ସମ୍ବଲପୁର

ବଜୋପସାଗର ନ ସୃଷ୍ଟି ହେଇଥିବା ଲଘୁଚାପ୍ ପ୍ରଭାବ୍ଥି ରାଜ୍ୟର
କେତେଟା ଜାଗାନ୍ ଆଏକ୍ ସାମାଏକ୍ ବର୍ଷା ହେଇଥିଲା ।
ଆଏବା ୨୪ ଘଂଟା ଭିତ୍ରେ ରାଜ୍ୟର୍ ବଡ଼ଭାଗି ଜାଗା ନ
ପାର୍ ଶୁଖା ରହେବା । ଆଏବା ୩ ଦିନ୍ ତକ୍ ପାର୍ ଏକ୍ତା
ରହେବା । ତାର୍ ଉତ୍ତରୁ ଦିନର୍ ଆଉ ରାତିର୍ ତାପମାତ୍ରା ୨ ନୁ
୩ ଡିଗ୍ରୀ ତକ୍ ବଡ଼ବା ବଲି ଭୁବ୍ନେଶ୍ୱର୍ ଆଂଚଳିକ୍ ପାଣିପାଗ୍
ବିଜ୍ଞାନ୍ କେନ୍ଦ୍ର ତର୍ପୁ ଅନୁମାନ କରାଯାଇଛେ ।